



## Dors min p'tit quinquin

Refrain:

Dors, min p'tit quinquin,  
Min p'tit pouchin, min gros rojin  
Te m'f'ras du chagrin,  
Si te n'dors point j'qu'à d'main.

Ainsi l'aut' jour eun pauv' dintellière  
In a mi clotant sin p'tit garchon  
Qui d'puis tros quarts d'heure  
N'faijot qu'braire, tâchot d'l'indormir  
Par eun canchon; ell' li dijot: min Narcisse  
D'main t'aras du pain n'épice, du chuc' à gogo  
Si t'es sache  
Et qu'te fais dodo

Refrain

Et si te m'laich faire eun' bonn' semaine  
J'irai dégager tin biau sarau  
Tin patalon d'drap, tin giliet d'laine  
Comme un p'tit milord te s'ras faraud!  
J't'acatrai, l'jour de l'ducasse  
Un porichinell' cocasse,

Un turlututu  
Pour jouet l'air du capiau-pointu.

### Refrain

Nous iron dins l'cour Jeannette-à-Vaques  
Vir les marionnett's. Comm' te riras  
Quand t'intindras dire" Un doup' pour' Jacques"  
Pa'l'porichinell' qui parl' magas!  
Te li mettras dins s'menotte  
Au lieu d'doupe, un rond d'carotte!  
Y t'dira : Merci!  
Pins' comm' nous arons du plaisi!

### Refrain

Et si par hasard sin maite s'fâche  
Ch'est alors, Narciss', que nous rirons  
Sans n'n'avoir invi", j'prindrai m'on air mache  
J'li dirai sin nom et ses surnoms  
J'li dirai des fariboles  
Y m'in répondra des drôles  
Infin, un chacun  
Verra deux spectac' au lieu d'un.

### Refrain

Allors, serr' tes yeux, dors, min bonhomme,  
J'vas dire eun' prière à P'tit-Jésus  
Pour qu'y vienne ichi, pindant tin somme

T'faire rêver qu'jai les mains plein's d'écus  
Pour qu'y t'apporte eun' coquille,  
Avec du chirop qui guille  
Tout l'long d'tin minton  
Te poulèqu'ras tros heur's de long!

### Refrain

L'mos qui vient, d'Saint-Nicolas ch'est l'fête  
Pour sûr, au soir, y viendra t'trouver  
Y t'f'ra un sermon et t'laich'ra mette  
Ind'zous du ballot un grand painnier  
Y l'rimplira, si t'es sache  
D'séquois qui t'rindront bènache  
Sans cha, sin baudet,  
T'invoira un grand martinet

### Refrain

Ni les marionnett's, ni l'pain d'épice  
N'ont produit d'effet. Mais l'martinet  
A vit' rappajé l'petit Narcisse  
Qui craignot d'vir arriver l'baudet  
Il a dit s'canchon-dormoire  
S'mèr' la mis dins s'n ochennoire  
A r'prs sin coussin  
Et répété vingt fos che r'frain:  
Dors, min p'tit quinquin,  
Min p'tit pouchin, min gros rojin,

**Te m'f'ras du chagrin,  
Si te n'dors point j'qu'à d'main.**